

上海東遠史十八卷

翁洲老民手稿
光緒慈谿楊氏刊白紙
地明末魯王監國浙東史記



海東逸史



光緒十年甲申冬月刊
慈谿楊氏經畬塾藏版

每部實洋叁角

海東逸史敘

洪惟我

高宗純皇帝大公至正

度越百王

御批通鑑輯覽不削福藩位號於分注且備列唐桂二王本末附於後以爲千古興亡鑑至若魯王之延息海隅則并不得列於小朝廷數故載紀亦從其略然而南日孤舟結宋家殘局流離瑣尾猶之厓山一塊肉也其閒忠臣義士東浙爲多有如張沈諸公始終抗節勢不能不行柴市之誅我

二祖

列宗未嘗不諒其忠於所事易名之典光照汗青凡以立萬世臣極而寓教忠之至意也於是明越遺獻据所見聞彙筆殘山賸水海東逸史

序

一
飲雪軒校本

閒取錄東荒碧血者往往而有若黎洲黃氏謝山全氏先後撰述尤夥大抵碑傳之文而所見異詞所聞異詞所傳聞又異詞容亦有未審者也自余與於慈谿縣志之役之二年昭文鄒君文沅來攝縣事出其藏籍得海東逸史蓋前此所未見也爲書凡十有八卷首監國紀則正名而猶與以帝系也次家人傳傳監國諸妃用歐陽氏五代史例也次列傳次忠義次遺民史體具焉凡所敘述大都身親見之文尤雅馴其微者或不經見於他紀賴以存孤忠介節之姓氏而其著者亦足以參訂南雷鮑琦之書洵可貴也署曰翁洲老民計非行遜故臣則亦山林枯槁有心尋灌者而惜乎其不可攷也理庵楊檢討以詞曹星使告養家居方勤於鄉邦文獻尤重忠孝大節亟鈔得副本屬王君子祥及其次公繩孫孝廉校正而刻之於乎鱣波鯨島陰火終燬猿鶴蟲沙久淪物化而寫



本孤行不歸漸滅卒表章於
累治重熙之代自非

大聖人量包天地覆疇所存久矣外灰殘劫亡復留此蠹蝕餘編
寄千秋感愴矣闕逢涸灘閏月甲辰朔會稽孫德祖彥清謹敘

海東逸史

序

二
飲雪軒校本

海東逸史目錄

卷一 監國紀上

卷二 監國紀下

卷三 家人傳 列妃某氏 義妃周氏 元妃張氏 貞妃陳氏 貴嬪張氏 義陽王妃杜氏

卷四 列傳一 張國維 子世鳳 朱大典 子萬化 孫珏 吳邦璿 莊元辰 王思任

卷五 列傳二 余煌 陳函輝 陳潛夫 妻孟氏 妾孟氏 朱繼祚 劉中藻 董世南

卷六 列傳三 錢肅樂 董光遠 錢肅圖 錢肅範 僕張貴 錢肅遜 妻鮑氏 錢肅典 熊汝霖 子琦 孫嘉績 子延齡 沈宸荃

海東逸史

目錄

一 飲雪軒校本

卷七 列傳四 王之仁 張鵬翼 弟繼榮 徐洪瑋 蔣若來 鄭遵謙 弟遵儉 妾金四姐 荆本徹 子元相

卷八 列傳五 沈廷揚 子元泰 妾張氏 沈始元 蔡德 蔡耀 戴啟 施榮 劉金城 翁彪 朱斌 林樹 畢從義 陳邦定 黃銘丹 妻施氏 馮

京第 徐孚遠 妻姚氏 子度遼 陳士京

卷九 列傳六 王翊 蔣士銓 趙立言 立言子楨 石必正 明知 王江 沈調倫

卷十 列傳七 張肯堂 妾周氏 方氏 姜氏 畢氏 子婦沈氏 女孫茂漪 林志燦 林桂 吳士

俊 家人張俊 彭欽 蘇兆人 吳鍾巒 子福之

李向中 子善毓 朱永祐

卷十一

列傳八

黃斌卿

王朝先

周鶴芝

林籥舞

趙

收阮進

從子駿

陳雪之

姚志卓

兄志元

方元

章

張起芬

卷十二

列傳九

張名振

母李氏

庶母范氏

妻馬氏

兄名甲

弟名揚

馬呈圖

馬貢圖

顧民楫

梁隆吉

焦文

文妻張氏

楊復葵

卷十三

列傳十

張煌言

子萬祺

甘輝

羅子木

僕楊

冠玉

卷十四

忠義一

董志甯

妻羅氏

子士駿

士驥

僕文

周華夏

妻陸氏

王辰

張夢錫

王家勤

陸宇燧

毛聚奎

屠獻宸

妻朱氏

楊文琦

妻沈氏

楊文

琮

楊文瓊

妻張氏

玉如

楊文球

董德欽

倪

海東逸史

目錄

一 歡雪軒校本

懋熹

徐啟睿

趙毅

李桐

子文景

文昱

國挺

李文纘

杜懋俊

杜兆祐

施邦焮

魏耕

李達

楊遷

錢繼曾

汪涵

張廷綬

李唐

禱

章有功

章欽臣

妻金氏

戴爾惠

卷十五

忠義二

傅巖

子齡文

齡發

齡熙

王之拭

林

汝翁

林塗

葉子器

俞元良

兄元禮

周宗彝

妻卜

氏

姜朱衣

紫衣

弟啟琦

湯芬

林媚

都

廷諫

洪有文

鄔正叢

林逢經

王恩及

妻

李氏

王祈

沈履祥

陳世亨

卷十六

忠義三

高岱

子朗

葉如楹

妻王氏

徐復儀

唐自

綵

妾某氏

姪偕豫

王玉藻

姚亦方

周

元初

倪懋楷

朱養時

董廣生

楊鼎臣

林瑛 妻陳氏 江用楫 妻某氏 董玄 張家璧 朱

萬年 顧珍 李開國 母某氏 顧宗堯 母某氏 顧

玠 江中汜 陳所學 顧行 翁健 戴仲明

章有期 劉世勳 王朝相 劉朝

卷十七 忠義四 張榑 倪文徵 朱璋 鄒欽光 鄒之

琦 張君正 傅日炯 族父平公 趙景麟 趙天

生 周西 張成義 趙甸 葉尙高 朱錫齡

婁文煥 林世英 陳瑞芝 母李氏 周容 朱

金芝 紀五昌 趙自新

卷十八 遺民 于頴 林時對 李長祥 黃宗義 黃宗

炎 陳希友 熊曰繪 任廷責 沈崇瑜 周

齊曾 高宇泰 盧若騰 沈文光 朱憲宗

海東逆史 目錄 三 飲雪軒校本

徐桐 馮元慶 董守諭 原闕今補 王正中 原闕

今補 章正宸 原闕今補 朱之瑜 原闕今補

海東逸史卷一

翁洲老民手稿

慈谿楊泰亨理庵校刊

監國紀上

王諱以海太祖第十子荒王檀九世孫也父肅王壽鏞以崇禎九年襲封十二年薨子以派嗣十五年北兵破兗州自縊死十七年二月詔以王紹封三月京師陷王避兵南下五月福王立於南京命徙封江廣暫駐台州乙酉五月南京亡踰月潞王常枋監國於杭州不數日出降按小腆紀年諸臣請監國不受明季南略云杭州擁戴之大兵至即開門奉衆降。是刻考異均註首見閏六月九日按紀年東陽兵起在諸義處餘不復閏六月九日按後此或當作十九日原任兵部尚書右僉都御史張國維自杭州來朝請王監國會故九江僉事孫嘉績吏科給事中熊汝霖起兵慈谿並奉表至台而會稽諸生鄭波蘇松兵備僉事沈宸荃起兵慈谿並奉表至台而會稽諸生鄭

海東逸史 卷一 一 敬雪軒校本

遊擊張名振各以本鎮兵來會王遂赴紹興

遊謙亦起兵應之既而定海總兵王之仁翁洲參將黃斌卿石浦

七月十八日小腆紀年作閏六月十八日王至紹興行監國事以分守公署爲

行在祭告天地祖宗以明年爲監國元年立元妃張氏上故皇太子號曰悼皇帝弘光帝曰報皇帝潞王曰潞閔王

進張國維少傅兼太子太傅兵部尚書武英殿大學士按小腆紀年時召直東閣尋加是銜以朱大典宋之普南疆釋史作之溥爲東閣大學士國維督師江

士大典鎮守金華之普司稟擬

加孫嘉績熊汝霖錢肅樂沈宸荃皆督師右僉都御史

以鄭遵謙爲中軍都督府左都督

以章正宸爲吏部尚書原注後紹興陷棄家爲僧南疆釋史云起爲戶部左侍郎行吏部事李白春釋史作占春爲戶部尚書王思任爲禮部尚書張文郁爲工部尚書陳

函輝爲禮部右侍郎按小腆紀年時擢少詹事歸尋遷是職陳潛夫爲太僕寺少卿

起原任右庶子余煌爲禮部右侍郎不至

封嚴州總兵方國安按小腆紀年國安浙人或云舊輔逢年子鎮東侯定海總兵王之

仁武甯侯南疆釋史作武甯伯十一月進封侯羣臣皆奉表勸進王曰孤之監國原

非得已當俟展拜孝陵徐議樂推未晚也

賜鄞縣舉人張煌言進士出身授翰林院編修小腆紀年作八月事

以原任紹興知府于穎爲按察使行巡撫事

鑄大明通寶錢小腆紀年作十二月事

大學士宋之普謝政起舊輔方逢年爲東閣大學士

張國維連復富陽於潛明季南略以復富陽爲七月事諸縣小腆紀年以復於潛爲八月事

命仁武伯姚志卓小腆紀年作俾守分水

八月原任兵部尙書田仰從海道至拜東閣大學士

海東逸史

卷一

敬雪軒校本

九月加按察使于穎右僉都御史督師

十月初二日北兵至方國安嚴陣以待張國維率隊接應裨將王

國斌趙天祥繼之連戰十日北兵敗去

以原任吏科都給事中林時對爲太常寺卿原任刑部主事莊元

辰爲吏科都給事中

十一月進方國安荆國公王之仁濟國公封鄭遵謙義興伯尋進

侯

議分餉分地

以編修張煌言爲兵科給事中

以太常寺卿林時對爲都察院右僉都御史吏科都給事中莊元

辰爲太常寺卿

加右僉都御史孫嘉績熊汝霖並兵部右侍郎

閩中遣給事中劉中藻頒詔至大學士張國維侍郎熊汝霖等拒
小腆紀年
之作十月事

王勞軍江上駐蹕西興築壇拜方國安爲大將命各營皆守節制

馬士英阮大鍼按小腆紀年士英字瑤草貴陽人中萬曆丙辰會試又三年成進士大鍼懷甯人萬曆丙辰進士

竄入方國安營請朝見不許

十二月王回越城以降臣故大僕卿謝三賓爲禮部尙書兼東閣
大學士

領監國魯元年大統歷職方主事黃宗羲所造也

監國魯元年丙戌正月己酉朔王在紹興

遣原任天津參政柯夏卿原注號遜庵黃巖人進士太常少卿曹維才使閩中

以原任右庶子余煌爲兵部尙書

加右叅都御史錢肅樂爲兵部右侍郎

海東逸史

卷一

三
飲雪軒校本

二月叛將張國柱掠餘姚其部曲張邦霄掠慈谿

總兵陳梧敗於橋李自乍浦浮海至餘姚大掠職方主事王正中
方行縣事集民兵擊殺之

閩中遣倉都御史陸清源解餉十萬給浙東方國安縱兵攫之拘

清源不遣小腆紀年云字嗣白平湖人崇禎甲戌進士爲國安所殺勝朝殉節諸臣錄云江防潰投江死國朝賜諡忠

節蓋馬阮所構也明季南略及紀年並

三月十九日毅宗大祥戶部主事原作郎中据第廿八卷補傳正董守諭請王吳

臨三軍縞素一日從之

北兵決壩放船入錢塘江張國維嚴飭各營守汎王之仁鄭遵謙

率水師襲戰敗之小腆紀年作是月朔日事

平海將軍周鶴芝議乞師日本黃斌卿止之

四月王正中率師渡海鹽破澈浦城小腆紀年作三月事

五月兵部右侍郎錢肅樂棄軍之舟山

都督鄞縣志陳謙奉使至閩中為御史錢邦芑所劾被殺

加兵部右侍郎孫嘉績戶部尚書據第六卷本傳四字疑衍熊汝霖兵部尚書

並兼東閣大學士

尚寶寺卿朱大定太僕寺卿陳潛夫兵部主事黃宗羲吳乃武查

繼佐等會師渡海劄潭山南疆釋史作海壇山以江上兵潰乃還

六月丙子朔江上兵潰方國安馬士英等欲劫王投降遣人守之

會守者病王得脫乃由江門出海令保定伯毛有倫扈元妃世子

自定海出海明季南略作五月二十八日事小腆紀年作二十七日事金華大學士朱大典

大學士張國維兵部尚書余煌禮部右侍郎勝朝殉節諸臣錄原任山西僉事鄭

函輝通政使吳從魯小腆紀年云字金堂山陰人萬原作太

五卷本歷丙辰進士官通政司左參議大理僕據第傳正 寺少卿陳潛夫翰林院編修徐復儀紀年以為唐江西道

海東逸史 卷一 四 飲雪軒校本

御史傅巖兵部主事高岱葉如菴紀年作汝菴一作汝薈原任山西僉事鄭

之尹諸生傅日炯趙景麟等皆死之方逢年謝三寶宋之普方國

安及馬士英阮大鍼等並降

甯國公王之仁泛海至金陵死之北兵破金華大學士朱大典闔

門死之

富平將軍張名振棄石浦以舟師扈王出海投肅虜伯黃斌卿斌

卿不納

永勝伯鄭彩至舟山奉王入閩黃炎吳鼎注

叛將張國柱攻舟山為水營將阮進所敗劫元妃世子去以上三紀年並繫九月內節小腆

二十四日大學士孫嘉績卒

八月十一日建甯陷僉事倪懋燾死之

二十七日中陷唐藩出奔汀州爲北兵所殺按小腆紀年唐藩太祖九世孫二十一日自延平出奔二十四日大兵取延平及天興府追殺於汀州之府堂時二十八日也九月以兵科給事中張煌言爲右僉都御史按小腆紀年以明年正月進是職十月丁酉王發舟山

十一月丙寅王次廈門南疆釋史稱中時鄭芝龍小腆紀年云字左所亦名鷺門飛皇小字一官

縣石井人已降北令彩執王以降彩不從芝龍之子成功亦不肯

隨父復建義海上而以廈門爲營然亦不欲奉王改明年爲隆武三年於是鄭彩改次長垣改明年爲監國一年海上遂有二朔

海東逸史

卷一

五 飲雪軒校本

楊家驥繩孫

王善長子祥 參校

海東逸史卷二

翁洲老民手稿

慈谿楊泰亨理庵校刊

監國紀下

二年丁亥正月癸卯朔王在長垣

辛未王禡牙出師提督楊耿總兵鄭聯皆以兵來會進鄭彩建國

公封張名振定西侯楊耿同安伯鄭聯定遠伯周瑞閩安伯周鶴

芝平夷小腆紀伯阮進蕩胡紀年伯阮駿英義伯

以原任雲南僉事林汝鸞為兵部右侍郎

周鶴芝復海口以參議小腆紀年林箭舞總兵趙牧守之

進冊貴嬪陳氏小腆紀年為元妃

二月壬申朔克海澄明日攻漳平南疆釋史作漳州按漳平屬龍巖州此疑譌失利又

明日北兵攻海澄南師退入於海

海東逸史

卷二

一 飲雪軒校本

丙子克漳浦以閩人洪有文南疆釋史云饒州人同安阮錫夕陽寮稿作有慎字亮士嘉禾里人為

令五日復陷有文死之

鄧西王常澆小腆紀年作常潮事在四月常澆為貴溪王明年二月飛甯寨破死復建甯其裨將王

祈南疆釋史作祁復邵武

三月兵部右侍郎林汝鸞吏部員外郎林崧合兵攻福清不克死

之小腆紀年作十月事

四月海口陷參議林箭舞總兵趙牧死之周鶴芝退保火燒嶽

吳淞提督吳勝兆反正命定西侯張名振率舟師赴之以兵部小腆

紀年作戶部右侍郎沈廷揚右僉都御史張煌言給事中徐孚遠御史

馮京第監其軍抵崇明舟覆名振等從閩道脫歸廷揚被執死之

六月攻漳州失利

王至琅江錢肅樂來朝拜兵部尚書

以閩中原任太僕寺卿劉沂春爲右副都御史原任廣東糧道小紀年稱副使第十卷本傳同吳鍾巒爲通政使按紀年以十月召用並以錢肅樂薦也

七月王親征會鄭彩周瑞周鶴芝阮進之師攻福州敗績

八月丙戌克連江按小腆紀年是日遣兵襲連江

以右僉都御史沈宸荃爲兵部尙書按小腆紀年以十月進是職

以閩中原任温州巡撫劉中藻爲兵部尙書武英殿按小腆紀年於是年正月

授職兼 大學士

東閣 十月長樂永福閩清皆下羅源知縣朱丕承甯德知縣錢楷皆以

城來降按小腆紀年九月遣兵復羅源又復連江於是長樂永福閩清諸城皆下

以閩中原任戶部侍郎林正亨爲戶部尙書僉都御史余颺爲左

都御史御史林崑爲吏科給事中禮部主事黃岳南疆釋史作寅小腆紀年作寅

按俗書實作寅爲吏部考功司郎中

海東逸史 卷二 飲雪軒校本

辛未鄧藩審理小腆紀年作鄧陳世亨以一旅復安固按瑞安縣在晉時爲

安固 援兵不繼復陷被執大罵而死

遣大學士劉中藻攻福甯州破之鎮將涂登華降

以兵科給事中孫延齡爲兵部右侍郎大學士嘉績子也

三年戊子正月丁酉朔王在閩安鎮

遣閩中原任東閣大學士朱繼祚與同安伯楊耿攻興化克之

以兵科給事中勝朝殉節諸臣陳士京爲光祿寺卿奉使粵中

癸丑鄭彩殺大學士熊汝霖義興侯鄭遵謙

兵科給事中陳希友熊曰繪疏參鄭彩逆惡大罪爲諸臣所勸不

果上

二月以兵部尙書錢肅樂兼東閣大學士

北帥郭三才南疆釋史來降封爲忠勤伯

三月興化陷吏科給事中林崑與泉道湯芬死之莆田陷大學士朱繼祚知縣都廷諫死之永福陷里居給事中鄒勝朝殉節諸正臣錄作鄒

畿御史林逢經死之長樂陷里居御史王恩及小腆紀年死之建

甯陷守將王祈死之王在閩中先後復三府一州二十七縣至是

皆失僅留甯德福安二縣

六月初五日戊戌大學士錢肅樂以憂卒

十月以工部尚書沈宸荃右副都御史劉沂春兼東閣大學士

四年己丑正月辛酉小腆紀年朔王次沙垵一作庚申

監察御史黃宗羲自劾中至拜為左僉都御史尋進左副都御史

三月甯德陷

黃斌卿遣其弟孝卿偕僉都御史馮京第乞師日本不得要領而

還

海東逸史

卷二

三 歐雪軒校本

四月福安陷大學士劉中藻及其部將董世南小腆紀年等並死

之兵科給事中原作翰林院簡討錢肅範被執不屈見殺据第六卷本傳正

六月定西侯張名振復健跳所

七月壬戌王次健跳所遣使者拜山寨諸營官爵授東山寨李長

祥四明寨王翊並都察院右僉都御史按小腆紀年時授翊河南

壬午北兵圍健跳蕩胡伯阮進追敗之

封平西將軍王朝先平西伯

以右僉都御史馮京第為兵部右侍郎

八月壬辰世子生

九月丁酉張名振阮進王朝先共殺黃斌卿

十月己巳小腆紀年作乙巳按王移蹕舟山以參將府為行在

大學士劉沂春還閩

以閩中原任戶工二部尙書張肯堂爲東閣大學士吏部右侍郎
朱永祐爲左侍郎按小腆紀年時進工部尙書仍兼吏部事第十卷本傳同進戶部侍郎孫延

齡爲戶部尙書以右僉都御史李長祥張煌言並爲兵部左侍郎

按紀年煌言爲右侍郎第十卷本傳同

命兵部右侍郎馮京第左副都御史黃宗羲乞師日本不得要領

而還按小腆紀年是年十一月乞師日本以澄波將軍阮美爲使不著京第宗羲名

十二月粵中遣使封鄭成功爲延平王閩海始用永曆年號

左副都御史黃宗羲以母老乞歸許之

五年庚寅正月乙卯朔王在舟山

三月右僉都御史四明寨王翊來朝拜兵部左侍郎小腆紀年作右侍郎第九

傳同

八月兵部左侍郎王翊帥師破新昌拔虎山進本部尙書小腆紀年止稱

海東逸史 卷二

侍郎未嘗進尙書

九月鄭彩與鄭成功爭廈門爲成功所敗泊沙埕張名振擊破其

餘兵按小腆紀年爭廈門在八月沙埕之破在周瑞周鶴芝分屯三盤後

以兵科給事中徐孚遠爲國子監祭酒按小腆紀年於己丑十月擢左僉都御史未嘗轉是職

周瑞周鶴芝以樓船三百分屯温州之三盤爲舟山犄角

十月辛巳朔日有食之

十一月北兵攻杜壘兵部右侍郎馮京第死之小腆紀年作九月事

六年辛卯正月己卯朔王在舟山

二月小腆紀年作閏二月乙卯張名振殺王朝先并其軍

以太僕寺少卿曹從龍爲兵部右侍郎

七月北兵攻四明寨兵部尙書王翊死之按小腆紀年是月被執八月至定海死之第九

卷本
傳同

北兵會攻行朝定西侯張名振英義伯阮駿扈王發舟山

八月辛西北人試舟海口為南師所敗獲其樓船載十一人而縱

之

丙寅大霧北兵悉抵螺頭門守陴者方覺蕩胡伯阮進邀擊大洋

風反師燬進死之

九月丙子城陷元妃陳氏投井死貴嬪小腆紀年稱宮城張氏義陽王妃

杜氏從之大學士張肯堂禮部尚書吳鍾巒兵部尚書李向中工

部尚書原作吏部侍郎茲據第十卷本傳朱永祐通政司參議紀年稱通政使鄭遵儉兵

科給事中董志甯兵部郎中朱養時戶部主事林瑛江用楫紀年瑛為

吏禮部主事董立兵部主事李航海遺聞作揚開國朱萬年顧珍工部主

事顧宗堯工部所正戴伸明禮部主事原作中書舍人勝朝殉節諸臣錄同茲據第十卷本

海東逸史

卷二

五 飲雪軒校本

傳蘇兆人安洋將軍劉世勳左都督張名揚錦衣衛指揮王朝相

內官監太監劉朝南疆釋史作潮定西侯參謀顧明楫貢生婁文煥諸生

林世英朱錫齡等並死之北兵相謂曰吾兵南下所不易拔者江

陰涇縣合舟山而三耳

七年壬辰正月癸酉朔定西侯張名振大學士沈宸荃兵部右侍

郎張煌言扈王至廈門按小腆紀年正月是月丁酉後

延平王鄭成功朝見行四拜禮小腆紀年云以宗人府府正禮見贄千金綉緞百

匹供應甚殷從臣亦皆有贈尋奉王居金門

七月大學士沈宸荃艤舟南日山遭風沒於海

八年癸巳正月戊辰朔王在金門

三月王自去監國號奉表滇中

九月定西侯張名振帥師北上以兵部右侍郎張煌言為監軍入

長江趨丹陽掠丹徒左次崇明冬盡乃還

甲午年王在金門按小腆紀年以是年正月移居南澳

二月作正月定西侯張名振監軍張煌言帥師再入長江掠瓜

洲侵儀真抵燕子磯而還

乙未年王在金門

十一月航海遺聞作八月行朝錄臺灣外紀並作五月延平王鄭成功遣英義伯阮駿總

制陳雪之小腆紀年帥師圍舟山北將巴臣與降紀年云原名臣功時授鐵騎鎮

二十九日定西侯張名振卒於軍

丙申年王在金門

八月二十六日北師復取舟山英義伯阮駿總制陳雪之並赴海

死小腆紀年云陳六御自刎死北人以舟山不可守迫其民過海溺死者無算

遂空其地

海東逸史

卷二

六 飲雪軒校本

丁酉年王在南澳

滇中遣使至加張煌言左侍郎小腆紀年作明年正月事

戊戌年王在南澳

二月張忠烈公神道碑作三月小腆紀年作七月延平王鄭成功會師浙海以兵部左

侍郎張煌言為監軍北伐抵洋山按洋山當作羊山怪風猝至義陽王溺

死乃還

己亥年王在南澳

五月延平王鄭成功全師北指監軍張煌言以所部前驅入江抵

瓜洲克其城成功南攻鎮江亦克之大江南北皆來降附其已下

者四府三州二十四縣會前鋒敗成功倉猝移帳遂大潰乘流出

海煌言亦從閒道歸天台按小腆紀年煌言歸江南北下四府三州二十二縣會成功兵潰八月歸天台

鄭成功遷王於澎湖島按小腆紀年在滇中命王監國後

六月王遣使祭光祿寺卿陳士京

滇中遣使齋手敕仍命王監國加張煌言本部尙書兼東閣大學

士按小腆紀年
在歸天台後

庚子年王在澎湖島

鄭成功攻臺灣克之紅夷乞降以大船遷其國成功遂王其地按

腆紀年在明年十二月

辛丑年王在澎湖島

四月鄭成功復奉王居金門

壬寅年王在金門

二月十三日滇中陷桂藩爲北將吳三桂小腆紀年云字長白高
郵人遼東中後所籍

所殺按紀年滇節以己亥正月陷桂藩由獅以辛
丑十二月破執至是年四月絞死於雲南

五月初八日延平王鄭成功卒海上諸臣議復奉王監國

海東逸史

卷二

十一月二十三日王薨

七
飲雪軒校本

楊家駮繩孫 參校

王善長子祚

家人傳

某氏王為世子時所納崇禎十五年北兵破兗州兄魯王以派自縊死王被執詭稱魯王牧兒見北兵掠王邸背忽流淚怪之旁有人曰此魯藩之弟也北兵刃之三擊不中駭曰汝有大福我不汝害前有一少女子甚麗知是汝妻犯之不從死於牆下汝其埋之王因得脫紹興監國諡曰烈妃

元妃周氏濟甯人王以崇禎十七年二月襲封魯王妃入宮已年餘矣遂進元妃甫逾月而京師陷王避兵南下妃時臥病不起王強之妃泣曰王速行勿以妾故為王累王不忍妃乃手碎瓷盤勒喉而死紹興監國諡曰義妃按小腆紀年江上師潰王命屠宮眷出海張妃辭碎瓷盤自劉死宮嬪周

海東逸史

卷三

一

飲雪軒校本

氏出海後張國柱劫之亦自刎死魯紀年海上見聞紀並云張妃被劫中途碎瓷盤自刎死

元妃張氏蕭山人云會稽人乙酉七月王至紹興行監國事立為

元妃父國俊得封伯爵內結閣臣客鳳儀李國輔按紀年國輔司禮監韓贊周養子外倚悍將方國安王之仁頗通賄擅事諸臣相繼進諫王不聽

侍郎錢肅樂特疏糾之留中國俊遂引降臣謝三賓直東閣以擠

肅樂肅樂遂去明年六月江上師潰王由江門出海令保定伯毛

有倫扈宮眷自蛟關出期會於舟山適叛將張國柱來攻為水營

將阮進所敗國柱僅以身免遂擄妃去不知所終

元妃陳氏鄞縣人丙戌春入宮為宮人小腆紀年云次會稽張妃下張妃既為

亂兵所擄妃在副舟中急令舟人鼓棹特前追兵不及伏荒島數

日飄泊至舟山王已入閩徬徨無所歸尙書張肯堂遣人護之得

達長垣王見之流涕進冊為元妃在海上三年生世子黃斌卿伏

誅始復入舟山先是張妃在會稽其父國俊頗豫事擅威福妃歎曰是何國家是何勳戚而尚欲爾爾乎至是族親有至者悉遣之辛卯北兵三道入海王以較關未能猝渡親帥舟師搗吳淞以牽其勢蕩胡伯阮進居守敗死北兵直抵城下安洋將軍劉世勳議分兵先送宮眷出海然後背城一戰妃傳諭辭曰將軍意良厚然螭灘鯨背之閒懼爲奸人所賣則張妃之續也願得死此淨土乃止城陷妃整冠服北向拜謝投井死貴嬪張氏及議陽王妃杜氏從焉錦衣指揮王朝相內官監太監劉朝其昇巨石填井平之卽自刎其旁而死至乙未年英義伯阮駿再下舟山得妃死狀表言於王加諡貞妃

海東逸史

卷二

二
飲雪軒校本

楊家駮繩孫
王善長子祥
參校

海東逸史卷四

翁洲老民手稿

慈谿楊泰亨理庵校刊

列傳一

張國維字玉笥號止庵明季南略云字正庵號玉笥東陽人天啟二年進士授

番禺知縣歷官至都察院右僉都御史應天巡撫崇禎十七年三

月以兵部尚書兼右僉都御史赴江南浙江督練兵輸餉諸務出

都十日而都城陷五月福王立於南京召為戎政尚書尋敘山東

討賊功加太子太保廕一子錦衣僉事吏部尚書徐石麒小腆紀年云字

寶摩嘉興人天啟壬戌進士乙酉嘉興破自經死國朝賜諡忠獻去位眾議歸國維馬士英不用

而用張捷紀年云捷丹陽人進士南都陷自縊死國維乃乞省親歸乙酉五月南都

覆六月潞王監國於杭州不數日出降國維乃以閏六月初魯王

於台州請王監國即日移駐紹興進國維少傅兼太子太傅兵部

海東逸史

卷四

一 飲雪軒校本

尚書武英殿大學士賜尙方劍督師江上會嚴州總兵官方國安

亦自金華至馬士英素善國安匿其軍中請入朝國維劾其十大

罪乃不敢入連復富陽於潛諸縣時兵馬雲集人治一軍不相統

一部曲騷然國維上疏謂刻期會戰則彼出此入我有休番之逸

而攻堅擣虛人無應接之暇此為勝算必聯諸帥之心為一心然

後使人入之功罪視為一人之功罪於是樹木城綠江要害聯絡

國安及王之仁鄭遵謙熊汝霖孫嘉績錢蕭樂諸營為持久計按紀

年至是賜尙方劍總統諸軍十月北兵至國安嚴陣以待國維率王國斌趙天

祥以步兵接應連戰十日前鋒鍾鼎新用火攻首擊殺緋衣大將

一諸將李南疆釋史鮑琦亭集並作呂宗忠等各斬數十級俞國榮等直抵張

灣取其軍械而歸北兵大敗是冬閩中遺給事中劉中藻頒詔至

諸求富貴者爭欲應之王下令返台士民惶惶國維乃馳至紹上

疏唐王曰今日之事凡爲高皇帝子孫皆當同心并力共復國讎
成功之後入關者王監國退守藩服禮制昭然若以倫序叔姪定
分在今日原未假易且浙東人心渙散鳩集爲勞一旦南拜正朔
則江上諸將皆須聽命猝然有變監國之號令不行脣亡齒寒悔
莫可追臣老矣豈敢朝秦暮楚有所左右於其間哉疏出議始定
然閩浙自是成水火矣明年五月諸軍乏餉師潰六月朔日北兵
至王走台州航海國維亦還守東陽及義烏破衆勸國維入山圖
後舉國維曰誤天下事者文山疊山也一死而已二十八日北兵
至七里寺國維遂具衣冠南向再拜曰臣力竭矣賦詩三章
按紀首章自述云艱難百戰戴吾君拒敵辭背氣厲雲時去仍爲朱氏
鬼精靈長傍孝陵墳空章念母云一睽纖塵不挂胸惟哀蓋母書
途窮仁人錫類能無意存歿衛恩結草同三章訓子云夙託詩書
暫鼓鉦而今絕口莫談兵蒼蒼若肯施存恤秉末全身答所生
赴圍池死年五十二
國朝賜子世鳳官平敵將軍後以吳易略

海東逸史

卷四

二 飲雪軒校本

云字日生號湖清吳江人崇禎丁丑進士紀年云癸未進士乙酉
六月起兵長白蕩歷官至兵部尙書封長興伯殉節死 國朝賜
諡節 事連亦死難

宋大典字延之號未孩金華人家世貧賤大典始讀書爲人豪邁

舉萬曆四十四年進士歷官至兵部左侍郎總督江北諸軍
小腆云官僉都御史總督漕運兼巡撫廬鳳淮揚四郡以紀年

許都事被逮會國變止福王立起是職尋進尙書 以許都云東
陽人諸生知縣柯城號 事有連逮治京師陷福王立有白其誣者

孫棗激亂號白頭兵 乃以原官召用踰月進尙書督上江諸務南都陷走杭州會潞王

亦降乃還鄉郡據城固守唐王聞就如東閣大學士督師浙東魯

王起事大典亦遣其孫珏上表勸進王既監國以軍來赴授官亦

如之命仍鎮金華會我 朝遣招撫使至大典烹之紹興既破次

及金華大典率兵拒守月餘不下城既陷闔門縱火自焚死 朝賜

諡烈 大典本與馬士英阮大鍼善南都亡大鍼出走由太平趨浙

東投大典於金華大典方舉義留與共治軍士民不可激逐之大
典乃送大鉞於方國安軍士英國安同鄉也先在其軍中於是兩
人掀髯抵掌日夕談兵國安甚喜及北兵至士英大鉞國安皆降
而大典獨殉節部將吳邦璿從死子萬化巷戰被執亦不屈死孫
廷少年能文有經濟才亦死於浦城

莊元辰字起貞號頑庵鄞縣人崇禎十年進士授南京太常博士

甲申之變一日七至中樞史可法國朝賜諡忠正之門促以勤王福王

立議選科臣劉宗周小腆紀年云字啟東號念臺山陰人學者稱戴山先生萬曆辛丑進士官左都御史杭州

失守絕粒死國朝賜諡忠介章正宸等並首舉元辰馬士英惡之以中旨授刑

部主事已見士英日橫遂告歸乙酉閏六月錢肅樂等舉兵元辰

破家輸餉肅樂等西行推元辰任城守事魯王監國擢吏科都給

事中尋遷太常寺少卿進正卿仍兼吏科如故元辰疏言陛下大

海東逸史

卷四

三 歌雪軒校本

離未雪舉兵以來將士宣勞於外炎威寒凍櫛風沐雨編氓殫藏
於內敲骨吸髓重以昔年秋潦今茲亢旱臥薪嘗膽之不遑而數
月以來頗安逸樂釜魚幕燕撫事增憂則晏安何可懷也敵在門
庭朝不及夕有深宮養優之心安得有前席借箸之事則蒙蔽何
可滋也天下安危託命將相今左右之人頗能內承色笑則事權
何可移也五等崇封有如探囊有爲昔時佐命元臣所不能得者
則恩賞何可濫也陛下試念兩都之毀禾黍麥秀之悲則居處必
不安試念孝陵長陵銅駝荆棘之慘則對越必不安試念青宮二
王之辱則撫王子何以爲情試念江干將士列邦生民之慘則衣
食可以俱廢疏入優詔報聞又言中旨用人乃報王之秕政臣叨
居科長斷不能隨聲奉詔上不能用而馬士英又至元辰言士英
不斬國事必不可爲遂三疏請歸歸逾月而紹興破狂走諸山中

朝夕野哭疽發於背而卒原注元辰舉鄉試出汪偉門會試出馬世奇門論者以為鍼芥之合云

王思任字季重號遂東山陰人萬曆二十三年進士歷知興平當

塗青浦三縣袁州推官所至皆被鑄級稍遷刑工二部主事出為

九江僉事罷歸乙酉五月南都陷福王走蕪湖馬士英擁兵奉太

妃入浙思任猶未知福王被擒也乃上疏太妃請斬士英按小腆

任疏云戰鬪之氣發於忠憤忠憤之心發於廉恥事至今日人人

無恥在在不憤矣主上寬仁有餘而剛斷不足士英竊太阿肆

無忌憚觀上之微而有以中之上嗜飲則進疆場上悅色則賦淫

妖上喜昏則貢優鮑上有好則奉古董巧御疆場上悅色則賦淫

而又心思其成功招集無賴賣官鬻爵門下狐狗服錦橫行朝廷

篤信之不戰而於斯也今事急矣政事閣臣可以走乎兵部尚書可

耶及今猶可呼號泣召之頭傳示各省以為誤國欺君之戒仍下

臥薪嘗膽立斬士英之頭傳示各省以為復振也然而氣驕腹滿政本

文采風流才情義俠某素欽慕即當國被眾疑之際援立今上以

定時局以為古之郭汾陽今之于少保也然而氣驕腹滿政本自

由不講戰守之事只知貪黷之謀酒色逢君門牆固黨以致令乘

解體士氣不揚救兵至則束手無策強敵來則先期已走致令乘

海東逸史 卷四 四 飲雪軒校本

輿播遷社稷邱墟閣下謀國至此卽喙長三尺亦何以自解莫若

明水一孟自勿以謝天下則忠憤氣節之士尚爾相諒無他若但

求全首領亦當立解樞機授之才能清正大臣以召英雄豪傑呼

鞭揚厲笑可冀絕冷與或逍遙湖上涼烟霞乃賈似道之故

國非藏垢納污之區也某當先赴胥濤江素車白馬以拒閣下上

千洪怒死不贖辜閣下以待鉅斃士英愧憤不能答也王既監國起

拜禮部尙書年七十餘矣明年六月紹興破跟踰避兵入雲門山

痛哭而卒 紀年云城破不食死南疆釋史云 死

楊家駮繩孫

王善長子祥 參校

海東逸史卷五

翁洲老民手稿

慈谿楊泰亨理庵校刊

列傳二

余煌字武貞號公遜會稽人天啟五年進士第一歷官至右庶子
 乞假歸遂丁外艱服除久不起魯王監國起禮部右侍郎再起戶
 部尚書皆不就明年以武將橫甚拜煌兵部尚書始受命時內閣
 田仰與義興伯鄭遵謙爭餉兩軍格鬪喋血禁廷煌至叱之始去
 乃申嚴軍紀將士稍戢諸臣競營高爵請乞無厭煌上言今國勢
 愈危朝政愈紛尺寸未復戰守無資諸臣請祭則當思先帝烝嘗
 未備請葬則當思先帝山陵未營請封則當思先帝宗廟未享請
 蔭則當思先帝子孫未保請諡則當思先帝光烈未昭時以為名
 言江干師潰王航海遁眾有議據城抗守者煌以徒害民生不可
 海東逸史 卷五 一 飲雪軒校本

海東逸史

卷五

一 飲雪軒校本

遂大張殊示放兵民出走畢賦絕命詩一章按小腆紀年載其詞云穆駿自馳老駒忽
 逝止水汨羅以了吾事有魏文山不入柴市自沈渡東橋下舟人拯起之乃歎曰忠臣
 不易做也居二日復投深處乃死國朝賜諡忠節

陳函輝字木叔號寒山臨海人崇禎七年進士授靖江知縣為人

不拘小節好交游日事詩酒為御史左光先紀年云光先弟崇禎

亂劾罷京師陷勸哭刑牲誓眾倡義有年經其檄文云嗚呼故老

同不共之仇戈矛指髮壯士白衣冠易水精通虹日相若素車馬

錢塘怒激江濤嗚呼三月擊後之報腥膾身鐘一曙之英雙驅誠

諒我皇上御宇十有七年於茲矣始政誅獨斷震選作鼓頻年

迨我皇上御宇十有七年於茲矣始政誅獨斷震選作鼓頻年

切敵威持宵旰為衣九邊寒暑幾警呼東呼突之嗟萬姓蹙號時

覆甌有伺失序嗚呼即爾紛然造送之輩無累世休養之恩乃

海盜貫知京九虧不獲安其主腥流宮寢先帝不得正其終罪極

戶膏肓河北賊置之天問藩籬破壞大將軍竟若罔聞開門納叛

皆觀軍容使者之流賣主投降盡宏文館學士之輩乞歸便云有

此徒死即係忠臣此則劫運真遭陽九百六之交而凡民並值柱
折維裂之會矣安祿山以番將代漢將帳中猶早抽刀李希烈自
汴州奔蔡州丸內鵠先進毒鳳既斬於京口剖屍之戮安逃景亦
樊於舟中跛足之囚終盡無強中與夷稟逆必誅又况漢德猶存周
臣子過赤眉主春秋義大復仇業賴社稷之靈九人已推重耳誠
憤漢賊之醜六軍必出祁山嗚呼遷跡金人亦非銅盤之淚隨班
舞馬猶嘶玉陛之魂恥具髮膚且叨管絃身家非君有絕屬君斷
寢食豈能安務仲國恥握拳透氣吞一路鼓擊囓齒穿齧聲斷
五更鼓角共灑申包胥之淚誓焚百里視之舟所幸澤綱張與宋
之旗協威尊位願如狗馬扶輿漢之賊磨厲以須吾莫非王何患無
君金陵成尊正朔如狗馬扶輿漢之賊磨厲以須吾莫非王何患無
非金陵成尊正朔如狗馬扶輿漢之賊磨厲以須吾莫非王何患無
州赤縣之心直窮巢穴抒孝子忠臣之憤職厥渠魁班馬叶乎北
風旗常紀於流極槍晦蝕日月重光再開帶礪山河朝廷不小海
丙共扶正氣神明會福王立不許草澤勤王乃止尋起職方主事
鑒此血誠謹檄

監軍江西南都陷歸與孫嘉績熊汝霖錢肅樂等會師江干時魯
王在台州函輝走謁王曰國統再絕矣王亦高皇帝子孫也報讎

繼統於是乎在王盍圖之王謝曰國家禍亂相仍區區江南且不
海東逸史 卷五 飲雪軒校本

能保尙何冀乎函輝曰不然浙東沃野千里南倚甌閩北據三江
環以大海士民忠義此句踐所以擒吳稱霸也會兵部尙書張國
維起兵東陽來迎王函輝乃侍王至紹興王既監國擢爲禮部右
侍郎進禮兵二部尙書 按小腆紀年止稱侍郎 明年六月紹興陷
從王航海已而相失哭入雲峯山作絕命詞數章 紀年云作六言
云生爲大明之人死作大明之鬼笑指白雲深處蕭然一無所累

其二云子房始終爲韓木叔始終爲魯赤松千古成名黃髮存心
獨若其二云父母恩無可報妻兒面不能親落日樵夫河上應憐
故國忠臣其四云臣年五十有七回頭萬事已畢徒衛乎擊天
惟見白虹貫日其五去夏六月廿七云著遺文六月初八日嚴心內
春秋莫問人開花甲其六關其七云手著遺文六月初八日嚴心內
山正學焚書亦出所有心史難刪其八云慧業降生入文此去不
留隻字准將子孝臣忠名山身列兇卒其九云敬發徐陵五願世
學僧法眷魂遊寰海名山身列兇卒其九云敬發徐陵五願世
埋骨記皆 投水死 勝朝殉節諸臣錄一云自 年五十七
不可考 經死 國朝賜諡忠節

陳潛夫字玄情號退庵錢塘人 南疆釋史云仁利人崇禎丙子同
年錄云仁利人原籍山陰越殉義

錄云會稽人籍錢塘崇禎丙子舉人十六年授開封推官抗疏言時事請召

對不報聞京師陷縞素誓師邀擊賊於柳園大破之福王立擢監

軍御史巡按河南所規畫皆盡善而馬士英不用先是有童氏者

自言福王繼妃廣昌伯劉良佐小腆紀年云字明輔大同左衛人具禮送之潛夫

至壽州見車馬馳從傳呼王后來亦稱臣朝謁及童氏入都王以

爲假冒下之獄遂責潛夫私謁妖婦逮下獄治之紹興府志云給事中林有本劾

獨合議潛夫罪逮下獄治之未幾南都不守得脫歸聞魯王監

國紹興渡江往謁命復故官加太僕寺少卿監江上軍乃自募得

三百人與孫熊諸家列營江上尋進大理寺少卿兼御史如故潛

夫以家財餉軍久之財竭支四百金於餉臣不得右副都錢肅樂

言潛夫破家爲國今聽其軍之餓死而不恤何以鼓各營因爲潛

夫請餉王是其言而方王終不發也丙戌五月江上師潰王航海

海東逸史

卷五

去潛夫作絕筆詩走至山陰抵小楮村謂其妻孟氏曰勉之吾爲

忠臣爾爲烈婦孟氏曰此吾心也與其女弟櫛髮更服以待女弟

者潛夫妾也紹興府志云孟恒初二女並潛夫乃整衣冠拜祖父

像已復拜其母別其弟攜妻妾至化龍橋投水死紹興府志云潛

水爲具棺殮然後賦詩躍水死並紹興府志云潛年三十七國朝賜

欲拉二子同死以繼母不許免

朱繼祚字盾岡莆田人萬曆四十七年進士由庶吉士歷官至南

京禮部尙書按小腆紀年崇禎初官禮部右侍郎以人言罷去福王時起故官未赴

而南都陷唐王召爲東閣大學士從至汀州王被擒繼祚奔還其

鄉舉兵應魯王戊子正月與同安伯楊耿攻興化城時北之分

守道彭馮颺紀年云崇禎癸未進士時爲監司守城故弘光時御史也令其守將出

戰而已登陣樹大明旗幟於城守將不敢入遂克之三月北兵至

城復破繼祚被執羈之獄中賦絕命詞數章自縊死國朝賜將

死自書祠堂對聯云臣罪當誅生奚補死奚遲故國舊君安在帝
臨有赫身可灰家可燼周頑殷義若何

劉中藻字薦叔福安人崇禎十三年進士官行人賊陷京師鬚髮
被擄掠賊敗南還唐王時官兵科給事中奉命領詔浙東為張國
維熊汝霖等所拒廢然而返至金華朱大典薦之召對稱旨擢石
叡都御史巡撫金衢取苕獐菁獠諸種人練之為卒時稱能軍閩
中陷魯王召拜兵部尙書尋兼武夷殿大學士中藻善撫循激勸
富人使出財佐軍士卒並樂為用其兵最盛鄭彩專主閩事心弗
善也中藻亦不相下由此有隙王使大學士沈宸荃解之彩不聽
丁亥十月中藻率兵攻取福甯州守之與周鶴芝相犄角久之移
駐福安鄭彩遂掠其地北兵乘之來攻中藻善守所殺傷數千人
己丑三月北兵乃循城十里掘濠樹柵以困之按小腆紀年福安
自前年十月被圍

海東逸史

卷五

四

飲雪軒校本

至是年四月城陷凡七闔中藻不能出戰食盡冠帶坐堂上為文自祭吞金

屑而死國朝賜諡烈愍部將董世南等同死者數百人紀年載中藻子
思沛諸生聞父

死曰父死節子可不繼先志乎亦死

楊家駮繩孫

參校

王善長子祥

海東逸史卷六

翁洲老民手稿

慈谿楊泰亨理庵校刊

列傳三

錢肅樂字希聲一字虞孫號止亭鄞縣人臨江知府若廣孫甯國知府敬忠兄子也崇禎十年進士授太倉知州遷刑部員外郎連丁內艱乙酉五月南京失守六月杭州繼陷閏六月甯波鄉官議納款肅樂建議起兵諸生董志甯華夏等遮拜肅樂大呼倡首士民集者數萬人肅樂乃建牙行事郡中監司守令皆逃惟一同知按小賦紀年同治府事已齎圖籍迎降聞兵起叩首請罪肅樂索知爲朱之葵

取倉庫籍繕完守具會定海總兵王之仁既納款而悔入城與肅樂締盟共守聞魯王在台州遣舉人張燿言奉表請監國時紹興餘姚慈谿並舉兵王乃赴紹興行監國事召肅樂爲右僉都御史

海東逸史

卷六

一 飲雪軒校本

畫錢塘江而守尋進右副都御史上疏言目前時勢國有十亡而無一存民有十死而無一生若不圖變計不知所稅駕矣當是時之仁已封武甯侯方國安亦進鎮東侯其兵謂之正兵食甯波紹興台州三郡田賦爲正餉孫嘉績熊汝霖沈宸荃及肅樂等兵謂之義兵所食者皆取給於富室樂輸爲義餉正兵司餉者直至殿陛爭譁奪取義餉而義兵遂無所取給恆缺食已加兵部右侍郎累疏辭不許明年四月軍食盡乃上疏言臣兵旣無餉不得不散但臣以舉義而來大仇未雪終不敢歸安廬墓遂棄軍之温州王得疏知不可留乃降旨令往海上同藩臣黃斌卿鎮臣張名振共取道崇明以復三吳時方有由舟山窺吳之計也逾月紹興失守王航海肅樂亦之舟山唐王召之甫入境而延平陷遂隱海壇山採山薯爲食丁亥鄭彩治兵海上王入長垣召爲兵部尙書疏薦

故大僕卿劉沂春廣東糧道吳鍾鑾及閩中諸遺臣並起用戊子

王次閩安鎮拜爲東閣大學士與馬思理勝朝殉節諸臣錄云長禮部尙書 大兵平福州樂人官東閣大學士兼

自縊死國朝賜諡節愍林正亨同入直每日繫舟於王舟之次

票擬章奏既畢則牽舟別去匡坐讀書而已時唐王雖歿而其將

涂登華尙守福甯王遣大學士劉中藻攻之登華欲降而未決謂

人曰豈有海上天子舟中國公肅樂致書謂將軍不聞南宋之末

二帝不在海上文陸不在舟中乎後世卒以正統歸之而況不爲

宋末者乎今將軍死守孤城以言乎忠義則非其主也以言乎保

身則非其策也依沸鼎以稱安巢危林而自得計之左矣登華得

書遂降而是時鄭彩專柄連殺熊汝霖鄭遵謙又登華之降由於

劉中藻故幕府立焉而彩反掠其地肅樂與中藻書每不直彩彩

聞之恨甚肅樂故有血疾遂憂憤疾作卒於海外之瓊琦山年四

海東逸史

卷六

二 飲雪軒校本

十三殉節諸臣錄云聞連江陷以頭觸牀死遺言以故員外郎章服入殮贈太保諡

忠介國朝改諡忠節後六年故相葉向高曾孫南疆釋史尙寶卿進晟

葬之福清黃蘗山婦翁董光遠破家爲肅樂輸餉奏授職方主事

參幕府事肅樂旣入海乃自縊而死

錢肅圖字退山號東村鄞縣志云字肇一號退山肅樂第四弟爲諸生隨肅樂

倡義授監紀推官紹興破從王泛海入閩擢御史召募義勇聯絡

山海諸寨肅樂死與弟簡討肅範同入福安圍城中福安破肅範

死肅圖從王至舟山又二年舟山破乃歸久之卒於家

錢肅範字錫九一字箕仲肅樂第五弟肅樂起兵其諸弟之從軍

者並授監紀江干失守從肅樂浮海而南一時諸從亡誥救皆出

其手授翰林院簡討肅樂旣死大學士劉中藻方守福安招之往

擢兵科給事中己丑四月福安陷望百辟山歎曰此宋少帝入海

處也賦絕命詞投緹兵至被執不屈死年二十九僕張貴從之

錢肅邁字兼三肅樂第七弟以諸生從軍初授監紀未受入閩以薦授兵部職方主事

方主二字原脫以意補

己丑從亡翁洲辛卯翁洲破來

歸甲午張煌言以定西之軍入長江肅邁與翁推官肅典聞道赴之乙未翁洲復歸海上肅邁復與推官赴之丙申翁洲復破推官死焉肅邁亡命至崑山思得間爲入海計己亥煌言復入長江肅邁又從之己而兵敗相失流轉太倉嘉定間怏怏不自得一夕嘔血數斗大呼不絕以死年三十妻鮑氏祝髮爲尼

錢肅典字叶虞肅樂第九弟庚寅與兄肅邁從亡共保翁洲授監紀推官丙申大兵復下翁洲肅典與肅邁渡海告警追騎至肅邁得脫而肅典被執不屈死年二十六

熊汝霖字雨殷餘姚人崇禎四年進士授同安知縣擢戶科給事中

海東逸史

卷六

三 歐雪軒校本

中以言事謫福建按察使照磨福王立召還以原官給事起用

轉按九字原脫據南疆釋史補

吏科右給事中南都陷馬士英竄走杭州汝霖

責其棄主士英無以應之逾月杭州亦破乃與同里孫嘉績共起

兵魯王監國擢右僉都御史督師防江時江上之兵每日蓐食鳴

鼓放船登陸搏戰未幾又復轉柁還守率以爲常惟汝霖率五百

人渡海甯轉戰數日夜至橋司士卒殘破略盡乃還因入海甯募

兵得萬餘人別行伍分汛地以本邑進士俞元良司餉指揮姜國

成主兵由是浙西吳中並皆響應進兵部右侍郎兼左副都御史

總督義師唐藩立閩中遣劉中藻頒詔至越汝霖曰吾知奉主上

而已不知其他因出檄拒之丙戌五月進兵部尙書兼東閣大學

士六月江干失守從王泛海時鄭彩自以扈駕功勢張甚汝霖票

擬每右諸將而抑彩彩積恨久之己而彩與義興伯鄭遵謙交惡

王次聞安從亡諸臣之室俱保琅琦李茂者彩之裨將也汝霖奴子與之爭口戍子元夕汝霖自王所歸沐熊鄭兩家督理相問遣茂以熊鄭合謀奔告彩乃夜使賊黨百人破門而入縛汝霖投之海

國朝賜

子琦

紀年稱

甫六歲

卽彩

堦彩

陽撫而

陰賊之

亦投

之海中

孫嘉績字碩膚餘姚人宋燭湖先生之後忠烈公燧五世孫大學

士文恭公如游孫崇禎十年進士授南京工部主事召改兵部擢

職方員外郎進郎中

小腆紀年作主事未嘗進郎中

爲中官高起潛所譖下獄久

之釋歸福王時起九江兵備僉事未赴南都旣陷杭州隨之乃與同里熊汝霖共舉兵迎魯王監國擢右僉都御史督師防江進兵部右侍郎兼都御史諸人雖迫於忠憤創義起事然皆書生不知兵迎方王二帥拱手而授之國成凡原設營兵衛軍俱隸方王而

海東逸史

卷六

四 飲雪軒校本

召募之衝卒里兒則身領之方王旣自專反惡諸人之參決於是

有分地分餉之議方王猶爲不足讓奪義餉於是義兵無所取給

衍

御

恒散去無存奇零殘卒不能成軍嘉績乃盡以歸之職方

史黃宗羲而謝兵事丙戌五月以兵部尙書與汝霖同拜東閣大學士六月江上師潰從王航海卒於舟山年四十三

南疆釋史作四十四贈

太保諡忠襄子延齡官中書舍人從亡海外歷仕至戶部尙書

沈宸荃字友蓀號彤庵慈谿人崇禎十三年進士授行人奉使旋

里福王立復命南都擢山西道御史時馬阮亂政宸荃頻疏論之

最後直糾士英擅權納賄蠹國殃民十二大罪士英怒必欲殺之

臺省力救得免遂出爲蘇松兵備僉事未赴而南都被北兵至浙

宸荃起義里中與熊汝霖孫嘉績錢肅樂等會師迎魯王監國擢右僉都御史江干失守棄家從王海外王次長垣連擢至兵部尙

書東閣大學士復從王至舟山加太子太保舟山破又從泛海抵
廈門至金門後艤舟南日山遭風沒於海國朝賜宸荃從亡時
證忠節
其父居家當事齟齬之父亦強直不能加害宸荃每思其父輒吟
詩詩罷慟哭聞者莫不哀之

海東逸史

卷六

五
飲雪軒校本

楊家駮繩孫

參校

王善長子祥

海東逸史卷七

翁洲老民手稿

慈谿楊泰亨理庵校刊

列傳四

王之仁字

原闕

直隸保定人官吳淞總兵遷浙江定海總兵在定

海已納款得貝勒令仍舊任鄞之故太僕謝三賓者家富耦國方

西行見貝勒歸害錢肅樂等所爲乃貽書之仁謂滄滄訛訛出自

庸妄六狂生而一穉紳和之將軍以所部來斬此七人事卽定矣

某當以千金爲壽釋紳指肅樂蓋肅樂時年未四十也會肅樂亦

遣客倪懋熹以書告之仁勸其來歸之仁兩答書約以十五日至

鄞而密語懋熹令具燕犒三賓不知也方以爲殺肅樂在旦夕屆

期之仁至諸鄉老大會於演武場坐定之仁出三賓書對衆朗誦

三賓遽起欲奪其書之仁變色因問肅樂曰是當殺以祭蘇否語

海東逸史

卷七

一 飲雪軒校本

未畢長刀夾三賓下三賓哀號跪階下請輸萬金以充餉乃釋之

之仁遂以兵迎魯王於台州王旣監國封之仁武甯侯進甯國公

時諸帥爭地爭餉攘臂譁爭敵兵臨江置之不問之仁雖悍戾尙

忠奮上疏言起事之日人人有直搏黃龍之志乃一敗之後遂以

錢塘爲鴻溝天下事尙何忍言臣今日計惟有前死一尺願以所

部之兵沈船一戰今日欲死猶戰而死他日卽死恐不能戰也丙

戌三月朔北兵驅船開堰入江閣部張國維嚴飭各營守汛令之

仁統水師從江心襲戰而自督諸軍復杭州會東南風大起之仁

揚帆奮擊之北兵敗去六月朔江上兵潰諸將皆遁惟之仁一軍

尙在將由江入海國維與之仁議抽兵五千分守各營之仁泣曰

壞天下事者方國安也敵兵數萬屯北岸倏然而渡孤軍何以迎

敵惟一死而已乃載其妻妾并兩子婦幼女諸孫盡沈於蛟門下

捧所奉敕印北面再拜投之水乃立旗幟鼓吹張蓋泛海至松江北兵意其降也護送至金陵我冠大袖肩輿而入百姓駭愕聚觀之仁從容入見內院洪承疇自稱前朝大帥國亡當死恐葬於鯨鯢身死不明後世青史無所徵信故來投見欲死於明處耳承疇優接以禮勸之鬚髮不從乃戮於市從子正中別有傳

張鵬翼字耀先浙江諸暨人官浙江總兵中軍都督府左都督乙酉四月北兵南下鵬翼與右都督徐洪瑋合兵入援未至而南都陷遂從海道至紹興魯王封為永豐伯丙戌三月移鎮衢州北兵

至副將秦應科等內應城遂破鵬翼巷戰力竭被執諭之降大罵乃殺之國朝賜諡烈愍小腆紀年載弟繼榮南疆釋史勇冠三軍與北兵戰力竭而死紀年云李熊嚴州守將戰敗拔

其屍歸將近衢里許道旁有旅肆忽見繼榮披甲躍馬從數人至海東逸史 卷七 二 飲辱軒校本

命具酒食肆主飛報入城軍中皆驚喜急出迎之則繼榮屍適至始知向入旅店者乃其魂也洪瑋亦不屈死

蔣若來字龍江南直長洲人世居婁門身材短小獨骨臂善騎射以事亡命居劉河巡撫張國維異其才拔自行伍明季北畧作生員以把

總守江浦流賊薄城蟻附而上若來提刀截殺應手而斃方坐城樓下俄見賊金冠紫袍者握大石直前擊中若來面仆地賊乘勢

合圍而前若來奮躍登城射殪其酋復發大砲擊殺三千人以功擢游擊守江浦六安宿松之役以無援敗累遷至浙江總兵勝朝殉節

諸臣錄小腆紀年並稱都督唐王立令與朱大典同守金華魯王授官亦如之及城破令長子出而集妻妾子女於廳縱火焚之提刀巷戰殺四

十餘人力盡自刎死國朝賜諡忠烈鄭遵謙字履公紹興府志作履恭會稽人僉事之尹子為諸生跡馳任俠

不為繩墨之士所理南都陷闖人屈尙志按小腆紀年福府內臣有屈尙志者疑卽一人

逃至越邊謙執而殺之曰吾聞諸劉先生凡係逃官皆可誅劉先

生謂宗周也北兵至潞王以杭州降邊謙創眾起義殺北人所署

紹興守會稽令紀年云紹興守張懷山陰令彭萬里與錢肅樂等奉箋魯王拜中軍

都督府左都督封義興伯丙戌三月北兵決壩放船入錢塘江邊

謙帥師敗之獲其鐵甲八百餘副紹興破崎嶇浙閩閒從王航海

至廈門進封義興侯大學士熊汝霖為鄭彩所害邊謙不平彩乃

詐扑部將吳輝輝扶傷就邊謙求書投鄭鴻逵邊謙過輝船送之

遂被擒輝既擒邊謙而難於面之伏艙底不出邊謙呼之曰汝鄭

彩廝養殺我豈出汝意而相避乎輝乃出邊謙乞隻雞孟黍哭奠

汝霖既畢遂躍入海中死國朝賜諡節愍弟邊儉同有妾金四姐者故妓也

嘗笞殺其婢王氏因下獄謙以千金出之謙死四姐束藁象彩每

海東逸史 卷七 三 飲雪軒校本

饋奠斬象人以侑食彩聞之使人沈之海中弟邊儉官通政司參

議舟山破殉節死

荆本徹字太徽丹陽人崇禎辛未小腆紀年進士官兵部司務為

溫體仁所惡免官十七年起原官出為下江監軍道福王時授職

方郎中仍監軍海上南都亡屯軍施翹何號四會營招集諸將士

會故總兵貢五常原注崇禎人張士儀原注太倉人張鵬翼諸暨人原注崇禎

注而諱今巡撫田仰光祿卿沈廷揚各以眾至義陽王避亂亦自

掘本傳同太倉投焉魯王進拜副使丙戌扈王出海屯小沙嶼其將士多善

射黃斌卿忌之造為流言率眾攻之遂遇害勝朝殉節諸臣錄云沒於浙東國朝賜

諡節子元相亦見殺

楊家駮繩孫 參校

王善長子祥

海東逸史卷八

翁洲老民手稿

慈谿楊泰亨理庵校刊

列傳五

沈廷揚字季明號五梅崇明人少爲諸生慕忠孝大節崇禎中由國子生爲武英殿中書舍人以海運功擢戶部郎中尋加光祿寺少卿仍督運駐劄登州京師陷福王立於南都命廷揚以海舟防江尋命兼理餉務餽江北諸軍南都失守航海至舟山依黃斌卿唐王在福建授兵部右侍郎總督水師魯王授戶部左侍郎王航海之明年四月吳淞提督吳勝兆反正以蠟書來求授斌卿不敢應廷揚及都御史張煌言給事中徐孚遠御史馮京第勸定西侯張名振就其約名振遂率舟師同廷揚等北上統水船二百餘號直抵崇明及吳淞會颶風大作舟覆名振等踉蹌歸廷揚獨與海東逸史

卷八

一 徵雪軒校本

北兵大戰四晝夜抵福山次鹿苑夜分颶風又起舟膠於沙與麾下七百人俱被執蘇撫土國寶勸之降不從乃先驅七百人於婁門外李王廟駢戮之無一人肯屈者廷揚至南京內院洪承疇素與廷揚善欲脫之說曰我聞沈廷揚已爲僧若敢誑乎廷揚嘗之遂下獄猶遣其門人周亮工說之廷揚曰毋多言吾今日非一死不足塞責乃與部下贊畫職方主事沈始元總兵官蔡德游擊蔡耀戴啟施榮劉金城翁彪朱斌林樹守備畢從義陳邦定及嗣子元泰同就戮年五十三

國朝賜諡忠節

妾張氏奔視含斂哀慟道路歸

亦自縊後贈戶部尙書

黃銘丹字丹侯崇明人諸生崇禎十二年流寇毀鳳陽祖陵銘丹憤激與妻子訣誓不破賊不還因謁制府獻平寇諸策爲史可法參謀及京師陷里人沈廷揚方以光祿卿駐淮上銘丹投謁曰丹

在史公處無所表見願假一旅以自效因令至崇明募水師師方舉而福藩以江北分屬四鎮廷揚無分地遂無功南都失守吳中瓦解銘丹方抵浙詢帝王消息知廷揚已入舟山乃撫膺曰事不可爲矣南向慟哭赴海死妻施氏亦殉焉

馮京第字躋仲號簞谿慈谿人崇禎十三年進士授行人按京第士出身詳見鮑琦亭集及谿上遺聞改禮部主事乞假歸福王立集錄以上十字當由沈宸荃傳謄移

以原官召未赴南都亡杭州繼陷乃從里人沈宸荃等起義紹興監國擢御史尋進僉都江干師潰從王航海時議遣平海將軍周

鶴芝乞師日本黃斌卿止之鶴芝怒而入閩京第謂斌卿曰北都之變東南如故并使其東南而失之者是誠吳三桂乞師之誤今

我無可失之地比之前者爲不倫矣斌卿乃使其弟孝卿同京第往至長崎島其王不聽登陸京第日於舟中朝服拜哭不已會東

海東逸史 卷八

飲雪軒校本

京撒斯瑪王遣官行部如中國巡方御史京第因致其血書王聞

長崎王之拒中國也曰中國喪亂我不遑恤而使其使臣哭於吾國吾國之恥也遂議發各島罪人同孝卿往而令京第先還致洪

武錢數十萬蓋其國不能鼓鑄但用中國古錢舟山之用洪武錢

始此按餘姚縣志京第乞師與朱之瑜偕京第先歸之瑜遂留南乞師事則祇知之瑜不知京第蓋之瑜留故也事詳補傳丁亥四月同定西侯張名振率舟師

北上至崇明而海歎舟覆得脫歸己丑秋擢兵部右侍郎是冬仍命京第及副都御史黃宗羲同澄波將軍阮美往日本乞師終以

不得要領而還時餘姚人王翊結寨四明京第乃開行至與之合軍杜輿聲勢頗振庚寅冬北兵將攻舟山惡四明中梗乃分兵兩道入大蘭山時京第已寢疾匿鶴紀年云頂山中爲其叛將王昇

所縛致之甯波諭降不從乃殺之

徐孚遠字闇公晚號復齋南直華亭人南京刑部侍郎陟曾孫崇

禎十五年舉人明年下第歸兩京相繼陷慨然而起指其髮誓曰

此卽蘇武之節也我宿全髮而死必不去髮而生遂與夏允彝小

紀年云字彝仲號瓊公崇禎丁丑進士官吏陳子龍明季南略云

部王事乙酉九月自溺死國朝賜諡忠節字臥子號海

士允彝同榜進士官兵部左侍郎勝朝殉節諸臣錄等謀勤王事

作右侍郎事敗被執乘間投水死國朝賜諡忠裕不克入於湖湖中遇兵與家相失妻姚氏子度菴並死焉遂開道

往浙自浙入閩時唐王方卽位於福州府改福州爲天興府遂除

孚遠天興司李斷獄平正尙書張肯堂出募師加孚遠兵科給事

中同行旣而閩浙相繼陷魯王航海孚遠從之從定西侯張名振

帥舟師北上颶風舟覆孚遠以後殿得免王至舟山擢國子監祭

酒舟山破從王之廈門依鄭成功成功以師禮事之戊戌正月滇

中遣使齎璽書通問成功拜孚遠左副都御史孚遠隨使入覲遂

海東逸史

卷八

三 飲雪軒校本

泛海由交趾入安隆交趾要原諺其行禮不從不聽過仍返廈門

臺灣外紀以爲從滇朝見歸廈失道安南而廈門破爲北帥吳六

行朝錄則云朝滇時不得過安南遂回廈門

奇所藏完髮以死在海外復娶戴氏生子永貞扶櫬至松江未葬

子亦死明史謂字遠因松江破死中泉州府志謂居廈之曾厝

臺灣野乘謂字遠志謂遊龍溪後不知所終南疆釋史謂歿於

靜志居詩話亦有乘桴遠引騎鶴重歸語似孚遠未渡臺者惟孚

遠交行摘稿後附林霍王溥所賜二傳言癸卯之變擬歸故鄉不

果轉徙入潮之饒平人所著詩文散佚殆盡孚遠少時與同里夏允彝陳子龍

齊名三人嘗言志孚遠慨然流涕曰百折不回死而後已允彝曰

吾僅安於無用守其不奪子龍曰吾無闇公之才而志則過於彝

仲顧成敗則不知也後皆如其言
陳士京字齊莫號佛莊鄞縣人崇禎之季天下多故挾策浪游久
之無所遇歸而國難作悒悒不出畫江之舉熊汝霖薦授職方郎

中會都督鄭縣志作總兵陳謙奉使閩中命士京監其軍以行謙被殺士

京遁之海上鄭芝龍聞其名令其子成功與游芝龍降北成功不

從士京實贊之戊子王在閩安擢兵科給事中遷光祿寺卿奉表

粵中時惠潮路斷乃迂道沿海資斧俱竭賣卜以前粵中加原闕

都御史固辭欲留之不可己丑王入舟山士京在閩與成功相結

以爲後圖成功頗以恢復自任賓禮遣臣故老於是海上衣冠雲

集久之見海師無功粵事亦日壞乃築室同安之鼓浪嶼題曰鹿

石山房賦詩自遣己亥成功統師入長江以士京參預島上留守

事觸疾而卒國朝賜諡節愍年六十五時王在南澳聞之震悼親爲文

以祭之

海東逸史

卷八

四 飲雪軒校本

楊家駮繩孫

參校

王善長子祥

海東逸史卷九

翁洲老民手稿

慈谿楊泰亨理庵校刊

列傳六

王翊字完勳號篤庵慈谿人後居餘姚少孤為諸生有智略魯王監國翊與慈谿諸生王江同起兵海濱與江上師為聲援授兵部職方主事浙東不守翊渡海按小腆紀年翊走海隅王師購之完勳家也至舟山說黃斌卿攻甯波許為內應為降紳謝三寶告變及斌卿以舟師至遂為北兵所敗翊乃入四明山結寨於大蘭居之戊子三月破上虞殺其署縣事者浙東震動御史馮京第自湖州軍破亦閒行至四明與翊合軍杜畧守關碼牙軍容甚整北帥勒兵東渡下教鄉聚團練攻杜畧破之京第匿民舍翊以四百人走天台謂諸將曰是皆團練之罪也北兵雖健我視其銳則避

海東逸史

卷九

一 飲雪軒校本

之懈則擊之非團練為之鄉導彼敢行險地如枕席乎然北兵團練豈能相守吾卒雖殘其破團練尚有餘力乃自天台至四明擊破鄉聚之團練者沿道招集流亡一月復至萬餘人而京第亦出己丑春又破上虞新令逃去得其印當是時浙東山寨蕭山則石仲房南疆釋史會稽則王化龍陳天樞天台則俞國望金湯奉化作仲芳則吳奎明紀年云在天台袁應彪紀年作灤千里之閒屹然相望然皆擄掠暴橫而平岡張煌言上虞李長祥且耕且屯獨不擾民又單弱不能成軍惟翊一旅蔓延於四明八百里之內設為五營五司翊主兵江主餉勸分富室單門而下安堵如故履畝而稅入亦無不樂輸者平時不義之徒立置重典其所決罰人人稱快浙東列城為之晝閉胥吏不敢催租縛民惴惴以保守一城為幸皆薦誠講解翊計天下不能無事待之數年庶幾為中原之應也自上虞出東徇

奉化北兵方攻吳奎明奎明力竭而遁北兵追奔至河泊所翊猝

遇之而戰北兵大敗六月紀年作十月翊朝行在拜右僉都御史會稽

人嚴我公以招撫至浙湖州柏襄甫會稽顧虎臣等皆降我公得

渡海發使至四明山翊之部將左都督黃中道烹其使我公遁去

庚寅三月復來朝進兵部右侍郎兼官如故八月破新昌拔虎山

進本部尙書右副都御史明年春北兵將攻舟山惡翊中梗乃分

二道一由奉化一由餘姚會師於大蘭山帳房三十里游騎四出

以搜伏聽者翊遁入海據紀年在庚辰九月復還山中所留諸將降殺且盡

翊徬徨無所倚二十四日至北溪爲團練兵所執是夜大星墮地

野雞皆鳴過奉化賦絕命詩有平生忠憤血飛濺於羣虜之句在

獄中每日從容束幘掠髮修容謂守卒曰使汝曹得見此漢官威

儀也八月十二日會訊於定海翊坐地上曰毋多言成敗利鈍皆

天也汝等何所知十四日行刑羣帥憤其積年倔強聚而射之或

中肩或中頰或中脇翊不稍動如貫植木洞胸者三尙不仆乃斧

其首而下之始仆按紀年翊以辛卯七月復入山二十四日夜有大星墮地諸朝被燬至定海不屈死之時八月

十二日也遺一女年十三字黃宗義子以例沒入勳貴家參領某

憐其爲忠臣女撫之如所生有劉弁者求之不可參領難之女

突出所佩劍自刎死參年三十六國朝賜諡烈聰從者二人一曰石必

領大驚以劍殉葬焉

正揚州人一日明知餘姚人皆不肯跪掠之跪則跪而向翊又有

參軍蔣士銓嘉善諸生在軍三年山寨之破他人皆去士銓獨從

之初五日先翊受刑賦絕命詞翊在獄爲文祭之而北人見者無

不泣下目非獨王公忠也乃其從者亦義士也江母爲北帥所得

以之招江江削髮以僧服見安置杭州母以天年終江復與定西

侯張名振引師入長江登金山遙祭孝陵題詩慟哭丙申復奠沈
調倫聚眾四明山調倫見殺江亦傷箭而死詳江本傳先見

卷九

人趙立言以餘衆棲四明山中與江山諸生李國楹約取江山按年繫於丙申八月下戊子作明年則爲丁酉年矣戊子正月朔立言將三百人攻克之國楹失期不至明日北兵大至立言迎戰殺數人馬躓墮水苑子楨恨甚至國楹家欲殺之乃爲北兵所執與國楹同死

王江字長升慈谿人爲諸生與同里王翊同起兵結寨四明山中先是畫江而守二人連名上書監國請募沿海義勇勤王自效授

戶部主事

按小腆紀年以己丑七月授是職後無進階

改戶科都給事中師甫集而王

航海二人遂頓兵四明之杜輿以爲海上聲援海上人呼東西王以別之西王主兵東王主餉當是時浙東之師雲起由甯紹以至

台處所謂山寨者相望也然皆烏合不練之兵又無所得餉四出劫掠居民苦之獨翊招兵最盛而江善理餉計山中屯糧所收不

足親往民家計其產用什一爲勸輸以忠孝感動之有額外擾民

海東逸史

卷九

三 飲雪軒校本

一粟者必誅又時遣人入內地結連遺老致其屣屣之助故杜輿一軍之強甲於他寨馮京第張夢錫遂合軍來守大蘭江總司三營之餉浙東列城畏之如老羆當道胥吏不復下鄉催租於是山中之民益樂輸監國之居舟山非此一軍莫能安也拜都察院右僉都御史晉右副都御史庚寅大兵決計下舟山先廓清山寨以絕其援兩軍由餘姚奉化會於大蘭而游騎分道四馳京第夢錫並死之翊避入海江亦遁去大帥劫江之母以招之江乃盡鬻其髮以浮屠服至杭大帥喜甚盛爲館帳如幕府而防閑之未幾母卒江買一妾昵之其妻晨夜勃谿詭江乃控之吏而出之妻亦攘臂登車歷數江之過而去一日江游湖上守者以其妾在不疑而江竟不知所往乃知向者特以術脫其妻也江乃復入海朝監國於金門張名振請爲監軍甲午引師入大江抵燕子磯望祭孝

陵題詩慟哭而還乙未名振卒海師復下舟山時按紀年係丙申八月有沈
調倫者復起四明山中來迎江乃赴之山中人聞江至壺漿以迎
者如蝟浙東大帥方以舟山爲急聞江至謂山寨且復爲舟山犄
角急攻之調倫見殺江亦中流矢卒

海東逸史

卷九

四 飲雪軒校本



楊家駮繩孫
王善長子祥

參校
大德堂

